

Menjelang Sukan SEA ke-28



28th SEA GAMES

39 HARI LAGI

Dalam tempoh kurang **50 hari**, Singapura akan menjadi tuan rumah kepada lebih **7,000 atlit** terbaik rantau ini apabila Sukan SEA ke-28 berlangsung **5 – 16 Jun**. Sebanyak 36 jenis sukan akan dipertandingkan dalam temasya dwitahunan yang juga acara mercu tanda sambutan ulang tahun ke-50 Singapura (SG50). Walau diadakan pada skala lebih besar berbanding Sukan Olimpik Belia (YOG) 2010, Sukan SEA akan dianjurkan dengan bajet lebih rendah – \$324.5 juta – berbanding YOG yang menelan belanja \$387 juta.

Selain itu, apakah yang perlu anda tahu menjelang Sukan SEA ke-28?



Foto ZAINAL YAHYA

Cuba sendiri

Anda lebih tajam daripada Sahil Suhaimi di depan gawang? Sebanyak 10 acara sukan akan 'dipertandingkan' dalam acara kemasyarakatan percuma sempena Sukan SEA ini. Tubuhkan kumpulan empat anggota dan sertai acara percuma Experience Sports Super 10s di Hab Sukan yang bermula hujung minggu lalu, tetapi diulangi pada 25 April, 9 Mei dan 23 Mei.

Buat apa?

Lawatan Hab Sukan

Hab Sukan Singapura menawarkan lawatan percuma yang ditawarkan setiap Sabtu (sehingga 2 Mei) bagi melihat lokasi pertandingan Sukan SEA. Dua sesi (60 minit) diadakan setiap Sabtu dan lawatan diadakan dalam bahasa Inggeris.

Keterangan lanjut:
<http://www.sportshub.com.sg/community/pages/tours/venuetours.aspx>

Pameran gambar

Pameran gambar istimewa akan diadakan di Perpustakaan Hab Sukan dari 18 April hingga akhir Ogos bagi menayangkan semangat kesukanan dan sejarah sukan setempat.

Temui atlit Team Singapore



Foto fail

Dengar sendiri cabaran yang perlu diatasi atlit setempat bagi memburu kejayaan di sesi beramah mesra dengan atlit Team Singapore.

Dua sesi dianjurkan: 3-5 petang, 18 April di Perpustakaan Hab Sukan dan 3-5 petang, 25 April di Kallang Wave Mall.

Tonton video



Foto fail

Ikuti laluan hidup ikon bola sepak dan legenda sukan negara Fandi Ahmad menerusi filem singkat berjudul Ordinary yang dihasilkan khas sempena Sukan SEA. Anda juga boleh menyaksikan klip video 'Unbreakable' – salah satu lagu tema yang dimuatkan dalam album Song of the Games – berdasarkan lagu sama tajuk yang ditulis oleh Amir Masoh. Video itu menampilkan lima atlit Team Singapore dan menunjukkan cara mereka mempersiapkan diri sejurus sebelum melangkah ke medan pertempuran.

<https://www.facebook.com/SEAGAMES2015>

Main 'game'

Semarakkan semangat dengan bermain permainan Nila's Quest di nilasquest.com. Tapi awas... anda boleh ketagihan.

Sokong Team Singapore



Foto KHALID BABA



Pesilat Muhammad Nur Alfian Juma'en

Foto TUKIMAN WARJI



Perenang Nur Marina Chan Abdullah

Siapa: Atlit utama setempat termasuk pemenang pingat emas Sukan Asia Joseph Schooling dan juara silat bertahan Muhammad Nur Alfian Juma'en akan bertanding. Peminat sukan juga boleh menikmati aksi atlit bertaraf dunia seperti bintang atletik Indonesia Maria Natalia Londa, pemenang pingat emas lompat jauh di Sukan Asia 2014 dan juara dunia badminton 2013 Ratchanok Intanon dari Thailand

Di mana: Pertandingan Sukan SEA akan bertempat di tiga kelompok utama – Hab Sukan Singapura, kawasan Marina Bay dan Singapore Expo. Beberapa sukan juga akan diadakan di Dewan Sukan Bishan, Stadium Choa Chu Kang, Orchid Country Club dan Kelab Golf Sentosa.

Tiket: Anda boleh membeli tiket dengan harga serendah \$2.50 (selepas konsesi) di <http://tickets.seagames2015.com> Separuh daripada 36 sukan yang dipertandingkan ditawarkan percuma.

Percuma: Memanah, atletik, bowling, lumba kanu, berbasikal, floorball, golf, hoki, petanque, mendayung, berlayar, menembak, squash, tenis, bot naga, triathlon dan ski air.